

ELYO MESO ABO AKAJUKA

MPAWO BAKA MU ZIBA



Mu Makanimabotu aa Musalali Luka, akutalikila chipati ca 24 a ka theeti- . . . i kampango ka 31, na Ndi lati kampango ka 30 ika chipati ca 24.

Elyo cakacitika, mbuli mbwa kakkala kulya a mbabo, nkabela wa kabweza cinkwa, a ku cileleka, a ku cikomona, nkabela waka bapa.

Elyo meso abo akajuka, nkabela baka muziba; elyo wa kazimaana kuzwa kumeso abo.

Elyo ba kaambila umwi aumwi kuti, Sena myoyo yesu tii yali kupya muli ndiswe, kuciindi nali kwaambaula a ndiswe mu nzila, a kuciindi na katu julila magwalo?

² Elyo akube kuti Mwami ayungizye cilongezyo Cakwe. Cibalo cangu cilaba, ikuti na inga Nda ciita sunumasiku kuti: *Elyo Meso Abo Akajuka Mpawo Baka Mu Ziba*. Lino kulapya, pele Ndi yanda kuti mukkazike zyamba calukakatilo mbuli mbo mukonzya, kwa ziindi buyo zisyoonto, nkabela Ndila sola kubinda. Pele lino tu yanda kulanga cakusinizya ku Ijwi, Ijwi Iya Leza ndi bbotu loko. Elyo tu paila kuti Leza, munzila imwi, ula jula meso esu sunumasiku.

³ Ikuti na Pasika nkusekelela buyo kwa cakacitika kaindi, nkabela eco cilikke, nkokuti tu jisi kaambo kaniini kakuzumbauzya, tu jisi kaambo kaniini ka kubuzya, nkaambo inga kwasiigwa aa muyeeyo usinizizye iwa kubweza buyo ijwi. Elyo ikuti na Kristo taka panga zisyomezyo Nzya kacita, nkokuti aswebo inga, inga tii twaba a bumboni bwa kuti tuli jisi.

⁴ Pele Mwami wesu ulelekedwe wakati, kuciindi Na kali waano a nyika, “Ii kaindi kaniini, nkabela inyika tiika Ndi boni limbi.” Lino eelyo bbala *inyika* alya, lizwa ku “bubambe bwa inyika, bantu be nyika.” “Ii inyika tiika Ndi boni limbi. Nekubaboobo muyo Ndi bona, nkambo Ndiya kuba a ndinywe, nomuba muli ndinywe, kumagolelo aa inyika.” Lino, ayo Majwi nga bwini buyo mbuli Majwi ambi nge twa kanana mu mvwiki eyi, aazwa mu Bbaibbele, a bwini buyo mbuli ambi ali onse Majwi mu Bbaibbele. “Ii kaindi kaniini, nkabela inyika tiika Ndi boni limbi. Taba kajulwi meso abo.” Kuli bantu bakazyalwa mu inyika, kutali ku luyando lwa Leza, pele kwinda ku kusala kwabo kwa kuliyanda ibanga tiiba Mu syoma ikuti na Wa liimvwi mpoonya awa kaambaula kuli ndinywe sunumasiku. Nca kuusa kwaamba, pele Bbaibbele Iya kaamba kuti, “Ba

kazyalwa mu inyika eyi, ku lunyonyooko olu,” Judi, elyo kutandila kampango ka 3.

⁵ Lino, kuli ndinywe, sunumasiku, nomu boola a kwiimikila konse mu kaanda, a kulundana antoomwe mu buyake buniini bupya mbuli boobu, tii mwaboola kuti muzobonwe. Mwa boolela bukanze bumwi. Elyo, ku muzeezo wangu, mwaboola a kusiniza kwa moyo wanu, ku kuba akweenda kwamunsi loko a Leza, kuzwa kutantamuka awa, sunumasiku, muntu uli kabotu kwiinda mbobede cindi nonjila. Eco Nce kombela mbuli Mbweli kunjila mulyango, sunumasiku, “Mwami, ndibambe kuba muntu uli kabotu cindi Nda zwa, sunumasiku, kwiinda Mbwe bedede mbuli ni Nda njila.” Lino cindi Na . . .

⁶ Mpawo Ka tanginga kuunka, Wa kaaamba eyo misyobo ya twaambo. Wa kati, “Oyo uusyoma Ndime. . .” Musalali Johane, chipati ca 14, kampango ka 7. “Oyo uusyoma Ndime, milimo eyo Nje cita uyo icita awalo; kwiinda eyi uyo cita, nkambo Nda inka kuli Taata Wangu. Nda inka, nkabela njo boola alubo.”

⁷ Lino tula ijana milimo eyo Nja kacita. I milimo eyo Nja kacita na? Ta kataminina kuba muntu mupati, Wa kali buyo Muntu mubombe. Ta kaamba a bwaambe bumwi bwaatala ibwa cisyobo, Wa kakanana buyo mbuli Muntu uli onse. Wa kakkala akati ka bacete, “bamwaaba bakali jisi malyango, a bayuni bakali jisi ziteente, pele Ta kajisi busena bwa kulazikila mutwe Wakwe.” Wa kajisi cikobela comwe, eco cakabolekwa kuli Nguwe, “cakali lukidwe moonse, kakutakwe moombe muli ncico.”

⁸ Nke kaambo baka cuumina cisolo. Nkaambonzi cakali boobo? Nkaambo cisinsime ca Cizuminano Cakaindi ca keelede kuzulila, “Ba kaabana zikobela Zyangu, bakauma cisolo nkambo ka cisani Cangu.” Aboobo baakakilwa kucipambula kwinda ku moombe, baka cita kucuumina cisolo, nkabela oku kwakazuliza cisinsime ca Cizuminano Cakaindi.

⁹ Pele tula bona, mu ziindi zisyoonto buyo, ino Wa kacita nzi? Elyo Ndi syoma kuti, sunumasiku, ni nzala ya umwi aumwi ku myoyo yesu, kuzwa ku muniini loko kusika ku mupati loko, sunumasiku, ku bona Jesu Kristo. Nkuyandisya kwa moyo wangu. Elyo nkaambonzi cili obo? Ikuti na tu taminina kwinda ku Magwalo . . .

¹⁰ I maredio ala caamba canguzu sunu, matelevizioni abikka mabambe, madrama akaamba, kuti, “Tako awa, pele Wa kabuka!”

¹¹ Ee, mpawo, ikuti na Wa kabuka, Bbaibbele lyakati, mu Bahebrayo 13:8, “Ngu mbobuca nguwenya, sunu, amuya myaaka.” Lino, nceeci mbo cibede, nobantu. Obo Mbwini, na tabuli Bwini. Kutu, na obo tabuli Bwini, nkokuti Bbaibbele ndya bubeji, elyo nkokuti Majwi nga bubeji; elyo nkokuti tuli sweekede, alimwi takukwe bubuke bwa bafu, alimwi tuli

cegeezya buyo. Pele ikuti na bwalo Mbwini, nkokuti Bwe elede kulisimpikizya Bulikke.

¹² Ikuti na waamba kuti aya maanzi matete, Nsena abona kale maanzi, Koatila ali ndime, nkabela taali matete, nkokuti majwi ako—ako taali amasimpe, Pele ikuti na waatila ali ndime, nkabela alo matete, nkokuti majwi ako nga bwini.

¹³ Ikuti na Kristo ngu mbobuca nguwenya, sunu, amuya myaaka, nkokuti Bbaibbele ndya bwini. Ikuti na Tali mbobuca nguwenya, sunu, amuya myaaka, nkokuti Tali wa bwini. Ikuti na Majwi aa Leza taali a bwini, nkokuti Kristo tali wa bwini. Nkokuti, na Majwi aa Leza taali a bwini, Leza tali wa bwini. Pele, mpawo, ikuti na Ijwi lya Leza ndya bwini, nkokuti Bbaibbele ndya bwini, Leza ngwa bwini, Kristo ngwa bwini, nkabela twe elede kuba ba bwini ku Kaambo. Ncobeni!

¹⁴ Lino, cindi Na kali aa nyika, Ta kataminina kuba umwi musilisi mupati. Mbangaye bazi kuti Mwana wa Leza takasola kutaminina kuba musilisi? Mbo mbubo ncobeni. Wa kati, “Nse konzyi kucita cintu muli Lwangu, ccita eco Nce bona Taata kacita. Ta ndili Ndime ucita milimo,” Wa kati, “ngu Taata oyo uukkala muli Ndime. Ngu icita milimo.” Ino musyobo nzi wa milimo Nja kacita?

¹⁵ Tula bona mu Bbaibbele, oko mulombwana wa zina lya Filipino wakafutuka. Elyo wa kaunka kubusena akuyo jana mweenzinyina, Nataniyeli, kwalo kulaale, mamaile ali makumi otatwe kuzunguluka mulundu. Wa kamujosya kuli Jesu. Elyo cindi na kamujana, wa kali kungsi lya samu, kapaila. Elyo wa kati, “Boola, ubone Oyo ngo twa jana: Jesu waku Nazareta, mwana wa Josefa.”

Wa kati, “Sa inga kwaba cintu cimwi cibotu cinga cazwa mu Nazareta?”

Wa kati, “Boola ubone.”

¹⁶ Obo mbo bumboni bwiinda kubota Mbwe zyi. Uta bwezi ijwi lya muntuumbi kuli Ncico. Boola, uzoli bonene omwini! Kati, “Boola ubone.”

¹⁷ Elyo cindi nakasika, Jesu waka liimvwi mu muncali, antela kapailila bantu. Elyo cindi Filipino nakayutuka, a Nataniyeli, Jesu wakati, “Amubone mu Israyeli, muli nguwe mutakwe luuni!”

¹⁸ Wa kati, “Waka ndiziba lili, Rabi?” Caka mu kankamanisya. “Nkokuli Nko kandi zibila?”

¹⁹ Wa kati, “Katana kwiita Filipino, cindi noli kungsi lya samu, Ndali kubwene.” Mamaile ali makumi otatwe kulaale, kwinda mu cilundu, nekubaboobo, “Ndali kubwene.”

²⁰ Eco caka tondezya kuti Wa Ka lini. Wa kali Leza uulikokonse; kutali buyo musinsimi, pele Leza wakali yubulula Mwini mu mubili. Nke kaambo Wa kali kukonzya kulazika, buumi Bwakwe, ansi, aku bubusya alubo.

21 Ii mwanakazi muniini wakasika kuzoteka maanzi buzuba bumwi. Elyo Wa kakanana kuli nguwe, nkabela wakati, “Omwanakazi, ko Ndi letela aakunywa!”

22 Waa kati, “Tacili cilengwa kuli ndinywe noba Juda kutu lomba, toba Samariya, cili boobo. Ta tujisi zyakucita kuli umwi aumwi.”

23 Wa kati, “Pele ikuti nooli muzi Oyo ngo wambawida, nowa Ndi lomba aakunywa. Ni ndakuletela Maanzi akuti kota cibooli kuzoteka ambi okuno.”

24 Elyo waa kati, “I mukalo mulamfu, Munene. To jisi caku tesya, alimwi nkokuli Nko konzya kujana Maanzi aya.”

25 Ino Wa kali kucita nzi? Kukwaba muuya wakwe. Elyo cindi Na kaziba penzi lyakwe mbo lyakabede, penzi lyakwe ndya kuti waa kali kupona mu mamambi. Waa kajisi balumi bosanwe, nkabela wakali kupona antomwe aumwi wacisambomwe.

Elyo Jesu waka mwaambila kuti, “Koya, kalete mulumi wako, nkabela muboole okuno.”

Elyo waa kati, “Nse jisi mulumi uli oonse.”

26 Waa kati, “Peepe, wakali jisi bosanwe, nkabela umwi ngo pona awe lino tali wako. Aboobo, waamba kabotu.”

27 Amulange eno, mu Juda. Cindi Jesu nakacita maleele ayo kuli nguwe, oyo wakali mu Juda wini usinizizye, mu Juda, wini usinizizye, kati, “Uli Mwana wa Leza, Mwaami wa Israyeli.” Wa kaziba kuti zitondezyo zya keelede kuba antoomwe a Mesiya.

28 Elyo eno ngooyu Musamariya. Cindi ayo maleele nakacitwa ali nguwe, waa kati, “Munene, Nda kuziba kuti Uli Musinsimi. Tu lizi kuti cindi Mesiya akusika, Uzo twaambila zintu ezi. Pele ino Ndu Weni?”

Wa kati, “Nde Ndime ukanana kuli nduwe.”

29 Waa kasiya nongo yakwe ya meenda, a kuzuzila mu munzi, a kuti, “Amuboole, mubone Muntu Oyo wa ndaambila zintu Nze kacita. Sa oyu tali ngo nguwe Mesiya?” Cilimasimpe.

30 Kuyabuya mu Magwalo inga wa cibweza, nzila Mbwa kacita zintu ezyo Taata nzyaka Mu tondezya. I Bbaibbele lyakati, omuya mu Musalali Johane, cindi nibaka Mu buzya kujatikizya kaambo Nca kaponya abo bonse bantu basunkuta, alimwi Wa kati, “Ncobeni, ncobeni, Nda mwaambila.” Musalali Johane 5:19, “Ncobeni, ncobeni, Nda mwaambila, Mwana takonzyi kucita cintu muli Lwakwe; pele eco Nca bona Taata kacita, eco Mwana ncacita alakwe.”

31 Lino, ikuti na Kristo wakabuka kuzwa ku bafu, alimwi uli akati kesu sunu; nkabela wakasyomezya kuti zintu nzyoonya Nzya kacita, tuyo zicita aswebo; obo ambweni Mbwini, na tabuli Bwini. I Bbaibbele lyakati, “Ngu mbobuca nguwenya, sunu, amuya myaaka.”

³² Elyo, beenzuma, Ndili kkomene nconzyo kuziba, sunu, kuti nconzyo Mebo, a konse kuli muli ndime, kusyoma kuti Jesu Kristo Mwana wa Leza. Wa kamitwa akuzyalwa, kuzyalwa kunjoloma loko. Wa kapenga kungsi lya Pontiasi Pilato; wakabambulwa, wakafwa, wakazikkwa, wakabuka alubo buzuba bwatatu; akutanta kuya ku Julu, nkabela uli kkede ku janza lyalulyo lya Bupati Bwakwe. Elyo Muuya Uusalala uli waano kuzwidilizya mulimo nguonya Ngwa kacita cindi Na kali waano a nyika. Ino muyeeyo mubotu!

³³ Ino nkuseeni kubotu, kuseeni kutanzi kwa bubuke, Pasika ntaanzi lya kasola kupasuka aa nyika! Sena mula mvwisya kuti eli Pasika ndyo tu sekelela, lya bubuke Bwakwe, litondeka biyo ku Pasika pati liciboola, oora Ndayo boola kuzwa ku Majulu? Elyo bonse abo bafwide muli Kristo bayo buka a kuunka a Nguwe. Tu langila biyo kumbele kuli eelyo, Pasika pati, liciboola. Elyo, sunu, mbo kuli kubotu, ino nkuumbulizigwa, ino ncizibyo neo tujisi, cindi Bbaibbele lya kulungulula, cindi kubakonse Kwakwe noku cilungulula, cindi Nguzu Zyakwe ziponya nezi cilungulula, cindi Muuya Wakwe mulemu nou cilungulula, cindi zintuzyonse mu bulenge nozi cilungulula, Mbungano Yakwe ila cilungulula, moyo wangu ula cilungulula, moyo wa muntu onse wakazyalululwa ula cilungulula, kuti, “Jesu Kristo Mwana wa Leza, nkabela uyo boola alubo! Elyo Uli mbubonya lino, ‘Mbobuca, sunu, amuya myaaka!’” Lino amubone.

³⁴ Kwakali kuseeni a Pasika eli bbotu. Kwakali mavwambukila manji, akwaambaula. Banakazi bamwi bakali jokede kuzwa ku cuumbwe, a kwaamba kuti bakabona cilengaano ca Baangelo. Elyo baka yeeyela kuti wakali sigaladeni; Mariya, banyina, nkambo ba kamvwa jwi kali kanana kusule lyabo, a kuti, “Ino muyandaula ni?” Elyo cindi Na kavuuluka . . .

³⁵ Waa kavuuluka, a kuti, “Ba mutola Mwami wesu. Ta ndizi awo mpoba Mu lazika. Ikuti Na ulizi, ndaambile oko Nkwa bede, nkabela Nda unka kuyo Mu bweza.”

Waa kavuuluka, akuti, “Mariya.”

³⁶ Elyo waa ka Mu langa, nkabela waa kati, “Raboni,” lyaamba kuti, “Simalela!”

³⁷ Wa kati, “Uta Ndi gumi, nkambo Nsena tanta kujulu. Pele Ndiyo tanta kuya kuli Uso, a kuli Taata Wangu, kuli Leza wangu, a kuli Leza wako. Pele koya, kaambile basikwiiya Bangu kuti Njo baswaanganya mu Galilaya.”

³⁸ Obo mbo kakalibonya kuba kaano kabuyo, ka Muntu oyu ngoba kabona kacitwa embaumu; a kufwa, kuzikkwa, elyo obu bwakali buzuba bwane, na buzuba bwatatu kuzwa Na kafwide. Petro wakali tyompedwe, elyo wakali kuyanda kwiinka kuyo zela nswi. Bobilo babo bakati, umwi wa zina lya Kliopa, wakati, “Tula joka ku muunzi, ku Jerusalemu.” Elyo mu lweendo lwabo,

kabeenda ambali, kuseeni oko, cindi Petro nakabweza ntambo yakwe yakulobya a kutalika kweenda kuyo zela nswi, aba bobilo mu lweendo lwabo, kabauside. Elyo mbuli mbo bakali kuya bweenda mu mugwagwa, kabaamba kuti, “Ee, Ndi yeeyela kuti buumi ta bweeleli kuponwa. Oh, obo mbo twa kasyoma kuti Wa kali Mesiya! Mbobuti uulya Muntu mbwa kakonzya, Oyo wakabusya bafu, kusola kwiimikila akulekela mupaizi mupati ku Mu fubaazya? Mbobuti uulya Muntu mbwa kakonzya, Oyo wakali kukonzya kubona cilengaano a cilengaano, kusola kulekela musooja muna Roma kumusamika kalembu kumeso Aakwe, aku Mu uma ku mutwe, akuti, ‘Tkuti na Uli musinsimi, ko twaambila Wa kuuma?’ Mbobuti Mbwa kakonzya kukwiilila luse, aa ciingano, mukubona kuti Wa kakonzya lyonse kubusya bafu?” Oh, cakali ciindi cakutyompwa!

³⁹ Alimwi ezyo ziindi zyakutyompwa zila boola ku musyomi onse, ku kusunka, aku kusola, akubona na ula syoma nconzyo. “Onse mwana uboola kuli Leza, weelede kusaanguna kusolekwa, kuyiisigwa kwabana.”

⁴⁰ Kulaba bamwi banu okuno sunumasiku, kwiina kuzumbauzya, bayo inda mu kusolekwa oko. Ikuti na twe elede kwiita mundando wa mipailo, Nse jisi muzeezo wabaabo bajisi makkadi amipailo, taakwe umbi uuzyi; a cukaanisigwa buyo onse antoomwe, akupegwa kuli ndinywe. Njo ita kuzwa kubusena bumwi, kufumbwa oko kuli mizeezo yangu ku ciindi eco. Ta tukonzyi kwiimikila ccita bace ku ciindi. Banji abakubwene, ndiza, baya kwiinda mu mundando wa mipailo. Boonse bayanda kusika. Inga wayeeya kuti Wa inda muni lyako, pele Ta cita. Walo ukusola buyo, mukubona buyo ikuti na uyo Mu syoma nconzyo. I cilengaano ta ciponyi; cilengaano cisimpikizya biyo Busyu Bwakwe.

⁴¹ Ndali kkede awa, nkelangide buyo eno atala lya bbunga. Elyo Nda bona ii—ii mweenzuma wangu, Muka. Cox, uuzwa kumusanza mu Kentucky. Waka jisi kkulenge pati ku meso akwe, mvwiki zisyoonto zyaında, lya kamulya kusakana kuzunguluka liso lyakwe. Waa kali kufwa. Muka. Wood, mweenzuma wangu mubotu, wakandi tumina aa luwaile, nkabela wakali kulila, kati, “Ndi syoma kuti liyoolya liso lya mutumbu, mu mazuba masyoonto.” I dokotela waka linyonganya, a musyobo mwi wa zintu, a kuli sabalanganya. Lyakali mu kubambwa kuyoosya. Kanjila a kupa mupailo, muniini mubombe, a lusyomo lwakasimpwa, kuti ciyo citika. Elyo ngooyu uli kkede awa sunumasiku, kaponede akuba kabotu cakulondoka; akutaba a kabala ka ndilyo kasyeede, lya kaponesegwa lyoonse, ku meso aakwe. Uli kkede nkoonya okuno kumbele lyesu. Bamwi konse, a cintu ncionya. Nkaambozi? Nkaambo kakuti Jesu Kristo wakabuka kuzwa ku bafu, nkabela Ula pona.

⁴² Oyo Nguwenya waka konzya kuguma sicinsenda, a kuti, “Ndila cita, ko salala,” konzya kuguma kkulenge a kuti, “Ndila

cita, ko salala,” ikuti na Ngu mbobuca nguwenya, sunu, amuya myaaka.

⁴³ Elyo mbuli Kliopa abamwi kabeenda ambali, kabatyompedwe, bakali kubaanga baali muli kumwi oko kuseeni kwa kuusa, kuboneka mbuli kuti zintu zyonse zyakalubila. Elyo mpoonya buyo, Umwi wakayutuka, mbuli Mbwa kasika kusule lyabo, wa keenda kunembo aku beenzya. Elyo baka lizyi kusyoono loko kuti wakali Mwami Jesu! Wa kali muumi, nkabela bantu banji bakali ku Mu yanda tii baka cizyi.

⁴⁴ Alimwi mbubonya mbo kubede asunu. Kuli bantu banji sunu abo bamuyanda Mwami, nkabela tabazyi. Inga wa baambila kujatikizya nkuko, elyo nekubaboobo taba konzyi kuziba kuti Ula pona lyonse, sunumasiku, akuti Mwali mu mbungano eyi sunumasiku, kuti Uli akati kesu, alimwi uyooba mane Aka sike mu mubili, wanyama waansi. “Nse kamusiyi nanka kumu lekelezya.”

⁴⁵ Elyo mbuli mbo bakali kuya bweenda akutalika kwaambaula mu mugwagwa, Jesu, Ndi yanda kuti mubone cintu citaanzi Jesu nca kacita, wakainka ncobeni cigaminina ku Lugwalo, Wa kati, “Oh, bafubafuba ku moyo, sa nciyumu kuli ndinsimi kusyoma eco basinsimi nco bakaamba?” Nkambo, Wa kazwaa kubabuzya kuti, “Nkaambonzi nco muuside kapati?”

⁴⁶ Elyo ba kati, “Sena Uli mweenzu? Sa To zyi kuti Jesu waku Nazareta, Oyo ngo twa kali kuyeeya kuba Mesiya, Muvuni wa Israyeli, sa Yebo to zyi na kuti obu abwalo mbuzuba bwatatu kuzwa Na kabambulwa? Alimwi Wa kali Muntu singuzu, mu Ijwi. Wa kali Musinsimi singuzu, nkaambo alo maleele a zintu zinji, Leza nzya kacita kwinda kuli Nguwe. Elyo obu mbuzuba bwatatu; alimwi eno baka Mu jaya, aku Mu zikka, alimwi Wa kali mu cuumbwe. Elyo banakazi bamwi baka tusikila aku twambila kuti Wa kabuka kuzwa ku bafu. Elyo tu lizyi kuti kakali kaano kabuyo, aboobo tuli mu lweendo lwesu kujokela.”

⁴⁷ Mpawo nce cindi Na katalika kujula Ijwi. Oh, Nda liyanda Ijwi Iya Leza Litamani! Wa katalika kwiinda mu Magwalo, kusalikila kuli Musa. Ta kasiya cili conse cata kavumbulwa, Wa katozya mu Ijwi cigaminina!

⁴⁸ Kufumbwa muntu wakatumwa aa Leza, Ta ndikwe makani na nguni, uya kukkala a Ijwi Iya Leza. Ikuti na ta citi, tali mulanda wakasimpe uzwa kwa Leza.

⁴⁹ Wa kainka nkoonya ku Ijwi. Elyo Wa katondezya, ku Ijwi, kuti Kristo wakeelede kufwa, kubuka alubo, akunjila mu Bulemu Bwakwe. Lino, oh, obo mbo kweelede kuti bakaambaula!

⁵⁰ Ne kayanda kuba a maora masyoonto akwaambaula a Nguwe (nimwa takayanda na?) mu mugwagwa. Yebo wati, “Ee, Mukwesu Branham, Inga nekayanda nconzyo. Ne Ka

konzya.” Ee, tula konzya kuba ankuko ndyoonya lino. Ngo Nguwe ukanana kuli nduwe, mu moyo wako. Wa kakilwa buyo kukuziba.

⁵¹ Lino amubone mbuli Mbwa kali kuswena ku munzi, mangolezya akali kuzabuza, Wa kacita mbuli kuti Wa kali kuyo zumanana kwiindilila.

⁵² Inga wacita eco kuli nduwe, ayebo. Inga wakucitya kuyeeya kuti Uyo zumanana kwiindilila, pele Ta kocita. Ta koindilila. Walo uyanda buyo kuti Umu tambe.

⁵³ Elyo baka Mwa ambila kuti, “Oh, buzuba bwamana kale. Lino uta zumanani, pele akaka boola mukati ukkale andiswe.” Ko Mu pa buyo musyobo oyo wa kutambwa, ukabone eco ciyo citika. Kati, “I buzuba bwamana kale eno, Ko boola ukkale andiswe. Kutozya ku mangolezya.” Mpawo Wa kanyona a kunjila mukati, mu ka restranti kaniini, kahotela kaniini.

Mu Europe ba cika jisi. Ula lya akoona, azintuzyonse kazi bbadeledwe mu bbiilu yomwe, hotela yako.

⁵⁴ Elyo cindi Na kanjila ambabo! Nceeci cibeela cibotu. Boonse buzuba obo, kuciindi nibakali kwaambaula a Nguwe, Ta kaamba cintu neciba comwe. Nekubaboobo, ba keenda a Nguwe akwaambaula a Nguwe, kale, pele tii baka ciziba.

⁵⁵ Nguni waka kutantamuna kuzwa kukuba a ntenda eyo buzuba obo? Nguni wakalekela oyo muvwanda kupona? Nguni waka kubbadelela eelyo bbiilu lya zyakulya azyakubelesya? Wa kali Nguwe, pele to cizibi ncobeni. Nguni uukupa nseba ya kuboola ku mbungano sunumasiku? Ngo Nguwe, pele to cizibi. Oh, ikuti na twa konzya biyo kucita mbuli mbabo, ku Mu tambila buyo mukati!

⁵⁶ Elyo cindi Na kanjila, wakanjila mukati, kajala zitendele, mpawo Wa kacita cintucimwi cakuti taakwe muntu umbi wakali kukonzya kucicita boobo. Wa kali biyo Oyo wakali kukonzya kucicita, nkambo bakali antomwe a Nguwe kakutanaba kubambulwa Kwakwe. Elyo Wa kabweza eco cinkwa, alimwi mbubonya Mbwa kacicita, eyo yakali nzila Yakwe Mwini ya kucicita. Elyo meso abo akajuka, nkabela bakaziba kuti Wa kali alikke wakakonzya. Ta katola ciindi cilamfu kuba a mbabo. Wa kazimaana kuzwa kukubona kwabo, mu kaindi buyo kaniini. [Mukwesu Branham wanontola minwe yakwe—Mul.]

⁵⁷ Elyo mu lweendo lwabo, ba kajoka canguzu mbuli mbo bakali kukonzya kwiinka, kuubilwa kweenda amaulu, kaboongolola buyo kuzunda, ku baambila kuti, “I Mwami wakabuka nconzyo!” Teeba kajoka kuyo kazyanya zya bukombi bwabo. Teeba kajoka kuyo kwankwana kujatikizya Ncico. Pele bakaziba buyo kuti Wa kabuka kuzwa ku bafu!

⁵⁸ Lino, benzuma, ikuti na Jesu Kristo, Mwana wa Leza muumi, kwiinde myaka ili cuulu amyaanda ili fuka, ikuti na Bbaibbele

ndya bwini, Wa kati, “Ndila pona kwa lyonse,” Walo muumi buya mbubonya ano, mu buyake obu sunumasiku, mbuli Mbwa kabede ku buzuba bwa bubuke Bwakwe, Uli mu mubili ncobeni.

⁵⁹ Bamwi babo bakali bungene antoomwe. Elyo Wa kasika kwiinda moonya mu malambo, wakalibonya moonya mukati, kwiinda akati kabo, wakati, “Mpaawa, amu Nda ampe. Amulange ku nembe Zyangu mu maanza Aangu. Sena muuya uli jisi nyama a mafuwa mbuli Nge jisi?” Wa kati, “Amu Ndi pe cintucimwi cakulya.” Elyo baka Mupa nswi a cinkwa. Elyo Wa kaimikila alya a kuzilya, kumbele lyabo, kati, “Ii muuya tauli mbuli mbomu Ndi bona kulya.”

⁶⁰ Ino Nguni? Ngu Jehova Leza, oyo mupati uupona akati kesu sunumasiku. Uli akati ka baabo kufumbwa bobilo na botatwe mpoba bungene: “Njo oba kati kabo.”

⁶¹ Elyo eno nceeci Nce yeeya. Ikuti na Kristo wasika ku bbunga eli Iya bantu, kuciindi nomuzwa nkasaalo, akulindila, akuyo tondezya, aa Pasika eli, kati Ula pona, alimwi uliimvwi mu buyake obu sunumasiku, mpawo uli jisi nguzu zyaku Mu lombi cili conse eco Nca kafwida, a kusyoma kuti uyo citambula. Sa mula syoma obo kuba Bwini? Buli masimpe, mbo bubede.

⁶² Lino, Nda konzya kukanana kuli ndinywe ambali, pele Ijwi lyomwe lizwa kuli Kristo liya kwaamba kunji kwinda majwi onse Nge konzya kukanana; kukatala a kuminwa mu jwi, a kudekela mbuli mbo kubede mu jwi.

⁶³ Elyo mpawo cintu cimbi, mu kukanana. Nciyumu, nkambo oyu muunzi wangu, kuba a muswaangano uzwidilila abunanike bwa Muuya mbuli boobo. Nkaambonzi? Nkaambo oyu muunzi wangu. Jesu wakaamba kuti, “Ii musinsimi, mu muunzi wakwe mwini, cisi cakwe cini, nomuba mu cisi cakwe cini.” Ncintucimwi buyo cicitika boobo.

⁶⁴ Ba kaamba obo cindi Na kainka ku muunzi Wakwe Mwini, ba kati, “Sa oyu tali mwana wa simubeza mapulanga? Sa banyina Bakwe, Mariya, tabali okuno andiswe? Sa boonse babunyina Bwakwe tabali okuno, a bacizi Bakwe? Sena tatu bazyi? Ino Wa kazwa ku cikolo nzi? Ino ni seminari inzi Nkwa kali sikumanizya? Ino mapepa nzi azyeelelo Nga bwezelezya?” Alimwi Ta kaina mu cikikolo cili conse na seminari ili yonse, na mapepa amwi azyeelelo, pele Wa kazwida kuli Leza. Pele teeba kakonzya kucibona. Ba kati, “Nkokuli Nkwaa jana busongo obu?”

⁶⁵ Elyo cindi nibaka Mu bona katweluka eyo miyeeyo ya bantu, Cindi Petro nakasika kuli Nguwe, Wa kati, “Zina lyako ngu Simooni, zina Iya bauso ngu Jonasi,” Caka mugambya! Mbobuti Mbwa kamuziba?

⁶⁶ Iba Farisi bakaimikila munsu, a kuti, “Ngu Beezebule. Ngo mupati wa basondi. Ngo dyabulosi!”

67 Elyo Jesu wakati, “Inga mwa Ndi sampaula, nde Mwana wa muntu, kuyo jatilwa kuli ndinywe. Pele cindi Muuya Uusalala waakusika akucita cintu nciconya, nkabela mukaambe bbala lyomwe lya Ku sampaula, taku kajatilwi kuli ndinywe, mu inyika eyi na inyika iiciza.” Aboobo, ncintu cantenda. Aboobo ino Wa kaziba buti? Nkaambonzi Wa kaamba boobo? Wa kalizi kuti zitondezyo inga ziya kumana do ku buzuba obu bwamamanino.

68 Alimwi ku mazuba aya akumamanino, Ta kabi ululeme, kutila bukali Bwakwe aa bantu baluleme. Ba ka...Twe eleka mu cipimyoy, nkabela kwa janwa kubula. Zyoonse nzotu yeeya zijatikizya ziindi zibotu, mabambe aa maredio, atabambulwidwe, Elvis Presley, Arthur Godfrey, kudana kubbi kwakaindi, bazizilwe mu maredio amu matelevizhioni. Tula kkala ku ng’anda masiku Bwatatu, kutantamuka muswaangano wa mipailo, kukubona bufuba obo mbuli boobo, akuliita tobeni kuti Banakristo?

69 Mpawo cindi Leza atila Muuya Wakwe ansi, akutondezya zitondezyo zya bubuke Bwakwe, tula Uta patila ku futata. Alimwi eco ncibi citakwe bujatile, ku cita ceeco. Jesu wakati, “Kwaamba bbala lyomwe Kuu sampaula, taku kajatilwi, mu inyika eyi na inyika iiciza.” Aboobo oyo Muuya weelede kusika ku mazuba aya akumamanino, ku kutondezya kuti Ijwi lya Leza ndya bwini.

70 Elyo Nda amba, kungsi lya bwami bwa Ijwi lya Leza, akulimvwa kwa buntu bwangu: kuti nguonya Muuya Uusalala (Muuya) ulaano eno akati ka bantu aba. Lino, Nda taminina kuti Wa kabuka kuzwa ku bafu. Nda taminina kuti Ula pona, pona kwa lyonse. Nda taminina kuti Ngu mbobuca nguwenya, sunu, amuya myaaka; nguonya mu mulazyo, nguonya mu Nguzu; nguonya mu zintuzyonse, zyonse cita mubili Wakwe wakunyama oyo ukkala ku janza lyalulyo lwa Leza a Bupati, mu Bulemu. Pele Muuya Uusalala uli waano, kaubeleka, kaweenda, kaucita, kucita mbubonya buyo mbuli Jesu Kristo mbwakacita, nkambo ncizibyo ca bubuke Bwakwe. Ino ndiora bbotu! Lino Ndi yeeyela kuti mwaabona Mpe imvwi.

71 Lino, kutali biyo a buniini obu, kutandila bantu bali mwaanda, na bantu bali myaanda yobilo okuno mu—mu buyake obu buniini, basyankene omuno sunumasiku, pele Nda kaamba kaambo kumbele lya zyuulu taimuzi zyuulu, a myaanda ya zyuulu, Kajatilila Bbaibbele mu janza lyomwe, a Korani muli limbi, kati, “limwi lililuleme, nkabela limbi tali luleme,” a kuzundikizya onse mupaizi muna Mohamedani kusika akutondezya, na kufumbwa umbi, Buddha, na kufumbwa mbwanga waba, kulwana Korani, akulwana bukombi bwabo, pele boonse bakaumuna zii.

72 Pele, bakwesu, kaambo Nce citila ceeci, nkaaambo Ndi lizi kuti Munununi wangu ulapona! Alimwi Walo Mbwini. Jesu Kristo muumi. Mpali ano!

73 Lino takukwe cintu muli ndime Nce konzya kucita, ncipego ca Leza. “Ino uucicita buti?” Nkulyaaba buyo omwini.

74 Moonya mu buyake obu lino kuli Baangelo banji banji. Nywebo mati, “Sena olo Ndugwalo?” Eli ndi Bbaibbele. Andi mutondezye. Mbangaye Banakristo awa? tTmbika janza lyako. Yaa, inga mwaabikka ansi. I Bbaibbele lyakati, “I Baangelo ba Leza bali bazungulukide abo ba Mu yoowa.” Mpawo, kuli Baangelo awa!

75 Mpawo Kristo wakati, “Kufumbwa bobilo na botatwe mpoba bungene mu Zina Lyangu, Njo oba kati kabo.” Mpawo, Mpali ano! I cintu biyo ncakuti, to konzyi ku Mu bona, pele ku lusyomo tula cisyoma.

76 Nda konzya kumu tondezya kuti eyo redio ila boola kwinda awa, ayalo, majwi. Nda konzya kumutondezya kuti zipekupeku zila boola kwinda awa. Ta cikouma a tyuubbu eyi *awa*; ta cikouma ali ceeci, eli gilazi, a maikki *eyi*; naanka kuti ciyo boola ku kabeela *aka* kacintu, nkaambo teecaka bambwa munzila eyo. Pele kuli kabeela kacintu kayopanga cifwanikiso eco alimwi.

77 Elyo Leza wakabikka bamwi mu Mbungano, lutaanzi baapostolo, mpawo basinsimi, bamaiyi, bavangeli, a beembeli, bonse ku kulondola Mbungano. Mbobuti mbo tukonzya kukaka omwe, akwaamba kuti omwe tali boobo? Leza ula cicita, Mwini. Tacili cintu mu inyika pele nkulyaaba buyo lwako ku Muuya Uusalala. Elyo Muuya Uusalala ulatola bweendezezi kuzwa awa, nkabela yebo tozyi eco nco cita. Walo mulimo wa Muuya Uusalala ulyeendezezya.

78 Lino, beenzuma, mu dolopo lya muunzi wangu. Elyo Ndi yanda kwaamba ceeci eno, katutana jala olu lubukululyo. Bumwi bwa mazuba aya takukabi noliba twe liyo syaala mu Jeffersonville, takukabi limwi liyo syaala mu Charlestown, takukabi limwi liyo syaala mu Louisville. Eyi inyika yabizwa ku lubeta. Bali jisi mabbomba a haidrojini lino cakuti Russia inga yawaala kuzwa ku Moscow, akuli sisya aa Fourth Street, a kubweza lyomwe lya mafakitoli aya aa misili konse okuno, a kwiibbizya kungsi lya nyika kwa tukokola tuli makumi ali ciloba, kubelesya bbomba lyomwe. Bbomba lyomwe; masikkweya maile ali kkumi aosanwe, liya kuunka kwa tukokola tuli mwaanda amakumi osanwe aansii. I janza lila a katyankilo. I nkoloko iya bweenda. Kwamukisya kwiinda mbo muyeeya. Nkaambonzi kulindila kusika ku ciindi eco?

79 Amuyeeye, “Eci cilao canyika na camwaika, tuli jisi comwe cilindila kale.” Muta yoowi mabbomba a haidrojini nanka cintu cimbi. Kufumbwa kuti kojisi Kristo mu moyo wako, eco nce ciyusilo cibotu loko ca mabbomba eco Nce zyi. Ca kabambwa ku

mapepe; kungsi lya mababa Aakwe, kula kkalilila. Aboobo muta pengi kujatikizya ezyo zintu, ikuti na uli Munakristo.

⁸⁰ Pele ikuti na toli Munakristo, wiimvwi mu busena bubbi nconzyo. To zyi ciindi moyo wako nouya kuleka kuduntaana. I Bbaibbele lyakati baalumi bayofwa ku mazuba akumamanino, ku mapenzi akumyoyo, “Myoyo ya baalumi ili mukuwizuka, makataazyo a ziindi, mafwabi akati ka masi.” Amulange bambi, kkumi taimuzi mbuli banji baalumi bafwa, mbuli banakazi; Bbaibbele tilya kaamba myoyo ya banakazi kuti iyo wizuka, Lya kati, “Myoyo ya baalumi iya kuwizuka.” Cili londokede, kumaninina.

⁸¹ Buzuba bumwi mu Oakland, mukaintu a Ndime twa kali okuya mu San Francisco, oyo muzunzumo wanyika mupati ni wakazungaana. Elyo nyika yakatalika kubuya a kutikula alya, kusikila mayake akayuuntana, zisukilo zyabusi zyakawa. Zikoto zipati zya luwo zyakatanta mbuli *obo*, abusi muli nzizyo, na itwe, kufumbwa mbo cakabede, kuzwa ku masena ayo. Elyo bantu baka zuzila mu tugwagwa, kabakwiila. Nda kayeeya, “Ino ciyooba buti cindi Mwami akubonekela ncobeni?” Zisambalilo zya makeza, mpoonya awo, kababikka makeza abo, kujosya aa mashelufu, a kwaasambala. I bantu kaba boola kwaaula. I muntu taka konzya kwaasambala ikuti na taakwe wa kaaula. Mbo mbubo.

⁸² Kwalo, ndiswe tulaa milandu. Andi kwaambile, mukwesu. Ndili muna America, alimwi Nda ciyanda cisi cangu. Pele eci cisi cakaindi caelekwa mu cipimya akujanwa kubula. Cili mukubbila, cakasimpe mbuli mbo Ndili mukutausi kunze lya cibumbili eci sunumasiku. Lino Nda amba eco kukujana luzyallo kuli Leza. Nda caamba nkaambo Leza wacibikka mu moyo wangu kuti caambwe. Elyo cintu ciinda kuli nduwe kucita nkuli bambila ku Kuboola kwa Mwami.

⁸³ Lino ko Mu syoma, koba a lusyomo muli Nguwe. Lino onse majwi Nge konzya kwaamba, Nda amba alubo, taako amba cintu comwe kuli ceeco Jesu ncanga waamba. Pele sena ulizi awo Mpe imvwi, a nkamu eyi ya bantu sunumasiku? Kwayanda ndanyonganya, kutapandulula cintucimwi kabotu, na kwaamba Bwini. Lino ikuti na Jesu Kristo wakabuka kuzwa ku bafu, alimwi, wakasyomezya, zintu nzyoonya Nzya kacita kuti tuyo zicita aswebo, nkabela Nda kataminina, kuzwa ku mwana mulombe muniini. . .

⁸⁴ Nda kali amyezi ili kkumi alusele yakukomena, Nda yeeyela, pele kutali kwiinda ku myaka yotatwe, nekuba, cindi Ne kabona cilengaano cangu citaanzi. Bwa, kali, boonse buumi bwangu. I bantu okuno mu cikombelo, balizi obo. Kufumbwa kuti Nda kaliko okuno, taakwe ciindi comwe nicaka sola kukakilwa. Alimwi tacika kakilwi, nkaambo ngu Leza. Koonse ku inyika lwa kaunka, lubukulusyolupati lwakayasya. Elyo lino,

ku luzyalo lwa Leza, Ndili mu mamiloni angu abili aa bantu, moonya mu muswaangano wangu wini, kubaleta ku Mwami Jesu. Milioni yabili, mbo mbubo. Elyo amuyeeeye buyo mamiloni ambi aka unka, Oral Roberts, boonse abo bakayasya kuzwa ku cintu, akuyabuya, zyuulu taimuzi zyuulu, mane kuzunguluka inyika kuli lubukulussyo lomwe lupati ncobeni ilwa Nguzu zya Leza, kalweenda. Elyo dyabulosi waangulula misyobo yonse ya zintu zyangubeji, ku kulwana Ndulo. Pele Ijwi Iya Leza, lini ncobeni liyo enda kutozya ku maminano. Tali kakakilwi! “Nde Mwami ndaka syanga. Njo citilaila isikati a masiku, kulesya kuti cita gusigwi kuzwa mu janza Lyangu.”

⁸⁵ Lino, sunumasiku, Ndi taminina kuti Kristo wakabuka kuzwa ku bafu. Ngu mbobuca nguwenya, sunu, amuya myaaka. Lino, Mwami amu longezye. Ikuti na Uyo cita ceeco, mpawo muli. . .Ikuti na mwa cisyoma, Leza amu longezye. Amu Mubuzye, mpawo, cindi Aboola aa cilao. Ikuti na Kristo uyo libonya awa acibumbili eci! Nkooku kuzundikizya. Ikuti na Jesu Kristo, Mwana wa Leza, uyo libonya mpoonya awa acibumbili, akucita zintu nzyoonya Nzya kacita cindi Na kali ano aa nyika, sena mula Mu syoma?

⁸⁶ Amu Mulange, mu lweendo kaya ku Emau, balo basankwa, kakomona. . .Cindi Na kakomona eco cinkwa, Wa kacita cintucimwi alya eco muntu umbi ncata kakonzya kucita. Cakali cintucimwi eco Kristo alikke nca kakonzya kucita. Elyo baka ciziba.

⁸⁷ Lino ikuti na Uyo cita cintu nciconya awa, eco Kristo alikke nca konzya kucita; kutali cintu cabubeji, pele cintu ncoonya Nca kacita; mpawo mula Mu syoma, ku Mu tambula, kuba a lusyomo muli Nguwe, ku Mu yanda, ku Mu belekela.

⁸⁸ Andi mwaambile, muta sangani buyo mbungano eno. Eco tacika beledi. Mweelede kuzyalululwa. Kutali kunyanyamukwa kulimvwa; kutali cintucimwi nco mwa kaamba, “Ee, Nda kaongolola. Nda kaambaula mu myaambo. Nda kacita *ceeci*,” oyo tauli nguwo. Cindi wanooli kungsi kwini mu moyo wako, Cintucimwi ciboola kukucinca, nkabela uba cilenge cipya muli Kristo Jesu; wakatambula Muntu, Kristo Jesu; cindi zintu zyakaindi zyafwa, zintu zipya zya zyalululwa; yebo ula lulamika zintu, nzo kalubizya; ula bayanda basinkondo nyokwe, ula bakombela abo bakusampaula; eco nce cindi noli Munakristo. I samu lila zibwa ku micelo njoli zyala.

⁸⁹ Akube kuti Mwami amu longezye eno, mbuli mbo tukotamika mitwe yesu. Ndila lomba mucizi kwiinka ku piyano, kulizya kabotu “I Musilisi mupati lino uli muni, Jesu uufwida lweetelelo.” Elyo nywebo nomuli anze, lino, abo bajisi makkaadi aampailo, amuswene ku mulyango, tula talika mu ciindi cisyonto. Atu kombe.

⁹⁰ Taata wesu Uulelekedwe Wakujulu. Oh, ma, jwi litali kabotu, kali kukanana kwa myeezi yone, Ndili katede kapati mu jwi lyangu. Pele Nda lomba kuti Uyo ndigwasya ndyoonya lino. Okuno kuyooba kucitika kupati loko ku Cikombelo ca Branham. Okuno kuyooba kamboni umbi uyo buka mu mazuba akumamanino, ku Buzuba bwa Lubeta. Banji baliimvwi mukati aanze, sunumasiku, bunji bwabo bala libuzya, banji bala yeeya kuti, “Sa nca bwini, na tacili ca bwini?”

⁹¹ O Taata Uteeli a Ulelekedwe, twa lomba kuti Uyo yubununa lubandisyo Lwako kuli ndiswe, kwinda kukulibonya awa a kubamba Ijwi Lyako kuba lya kasimpe. Nda kanana Ijwi Lyako; mbuli Mbo kacita, Lwako, kuli Kliopa a mweenzinyina, ku Emau. Elyo mu lweendo lwesu, Mwami, tuli mu kweenda, Ko kanana kuli ndiswe kwinda mu Ijwi Lyako. Elyo lino boola akati kesu! O Kristo Mupati, boola akati kesu, tondezya Majwi Aako kuti nga kasimpe, a kuyubulula Bupange Bwako ano sunumasiku. Mbuli, ndiswe to zilenge ziteeleli twa lyaambilila kuti tuli basizibi a bateeleli ku zintu ezi, pele tula cisyoma, Mwami. Elyo ku luzalo tula cizumina, kwinda ku lusyomo, kuteeti twa kafutuka, a bana Bako. Kotu longezya lino, Mwami.

⁹² Ndi lizi kuti Ijwi Lyako ndya kasimpe, cindi Noka amba kujatikizya “musinsimi mu munzi wakwe, akati ka bantu bakwe.” Pele, Mwami, Nda komba, kwa busiku obu buyo, kuti Uyo langa ansi ku bantu, akuliyubulula Omwini lomwe lumbi okuno mu munzi oyu, kwinda mu kweenda kwa Muuya Uusalala. O Leza Uutamani, tu longezye eno mbuli mbo tulindila Nduwe. Alimwi cita zintu Nzo kacita kakutanaba kubambulwa Kwako, nkabela Jeffersonville taikabi a cintu comwe caku tongookela. Pele, tu lizi kuti tabakabi a ntamizyo ku Buzuba obo, kuti Wa liyubulula Omwini. Mu Zina lya Jesu, Nda lomba. Amen.

⁹³ [Kabeela katakwecintu aa teepu—Mul.] . . .kutali eco nca yandila ndime kukombela. Peepe, talili kkulenge, nkambo waa kaponesegwa kuli leelyo. Pele uyanda kuti ndikombele penzi lya musana ndya jisi. Mbo mbubo. Ndi penzi ku musana wakwe. Sa mbo mbubo? Lino sa ula syoma kuti Wa kabuka kuzwa ku bafu? Lino amulangilile. Ikuti na Nda ambaula kuli nguwe kaindi kaniini buyo kambi, ndiza cintucimwi cimbi cilaambwa. Ta ndizi. Lino, Nse jisi muzeezo wa penzi lyako mbolibede. Ta ndizi lino mbo lyabede. Wabona? Pele marekkoda ali cijisi, inga waziba eco Nca kaamba.

⁹⁴ Anda ambaule buyo aniini alimwi, akubona na Ula ndaambila cintucimwi cimbi. Nda bona mwanakazi uboneka cintucimwi mu bubambe. . . Walo mwanakazi umbi, nkabela ukombela nguwe. Alimwi uli mu kabunga ka musyobo umwi na cibbadela, cibaanga nca. . . mbusena bwabaciswa zyakuyeeya. Ngu Madison, Indiana. Walo—walo—ii—ii mucizi ngo yandila mupailo, oyo uli mu kabunga. Elyo ikuti na ula syoma a moyo wako onse, a konse kuli muli nduwe, Leza ula vuna alimwi ula

uponya musana wako a kukubamba kuba kabotu. Ula cisyoma na lino? Yaa, boola awa.

⁹⁵ Oyandwa Taata Wakujulu, twa lomba kuti mu Zina Iya Jesu Kristo, kuteeti Uyo muponya mwanakazi akumubamba kuba kabotu. Elyo kopa cilongezo eci kuli nguwe. Alimwi Nda lomba kuti luse Iwa Leza luyooba ali nguwe, a kumu ponya, akujana bulemu kuli Lwako. Nda lomba mu Zina Iya Jesu Kristo. Ameni.

⁹⁶ Inga ndaamba ceeci. Kuli kunzwiima kusika kuzwa okuya, kuzwa kusule mpoonya *awa*. Asyoonto buyo, koimikila awo aniini buyo. Nda bona oyo Mumuni kuti wakusiya. Kuli banji maningi, basyankene maningi kundi zunguluka awa. Bantubonse bala kwela. Pele Nda ubona Ka usika kuli nduwe. Walo muntuumwi oyo... Yebo ujisi—ujisi kupandulwa kwa bukaintu kuboala. Mbo mbubo. Nda bona bantu bobilo na botatwe babonekela, alimwi Mumuni wawwetukila nkoonya kusule okuya a kuuma oyo muntu wiimvwi nkoonya kusule okuya. Mbaabo bakombela ceeco. Wabona? Mbo mbubo. Alimwi yebo ujisi, ncilwazi ca kubulindu eco cijisi kupandulwa kwa bukaintu. Mbo mbubo. Lino koya akutambula kuponesegwa kwako, nkabela Mwami Leza wakubamba kuba kabotu. Ameni.

⁹⁷ Sa inga wasika? I mulindu, sena ula musyoma Mwami Jesu? [I mucizi waamba, “Iiyi, munene.”—Mul.] Sena ula syoma kuti Wa kabuka kuzwa ku bafu? Lino, ku kuziba, Nse citi. Kwayanda ndaka kubona ikuti na uzwa ku busena obuno. Ta ndizi. Bantu balasika akuunka, Nse janiki ku cikombelo okuno kunji kuziba. Pele, yebo, yebo uzwa ku dolopo na? [“Iiyi.”] Yebo uzwa ku dolopo. Ncibotu, mpawo, pele ta Ndi kuzyi. Pele Kristo uli kuzyi. Pele ikuti na Uyo ndiyubunwida, koimvwi awa, kaambo ncoli waano, sa ula cisyoma a ku cizumina? Alimwi uli zyi kuti Nse zyi kaambo ncoli waano, taakwe muzeezo. Cintu biyo, kwayanda wakandi bona mu tauni, na cintucimwi, na, na cintucimwi. Ta ndizi. Eco cili kuli Leza ku—ku ziba ceeco.

⁹⁸ Nkoonya kusule okuya, uyanda kuponesegwa ku penzi Iya mala ndyo jisi na? Sena ula musyoma Mwami Jesu kuti ula kubamba kuba kabotu? Ikuti na ula cisyoma, inga wa citambula.

⁹⁹ Umbi ujisi kubalwa kwabulowa kubbi, ukkede kusule okuya, Nda babona kababweza. Sena ula musyoma Mwami kuti uyo kubamba kuba kabotu? Ncibotu. Sena ula syoma a moyo wako oonse? Mpawo inga watambula kuponesegwa kwako, Leza wakuponya ndyoonya. Wa Mu guma. To guma ndime, uli tantamukide kuzwa kuli ndime kwa tukokola tuli makumi otatwe. Ameni.

¹⁰⁰ Lino sena ula syoma kuti Wa kabuka kuzwa ku bafu? Langa buyo, a kupona, lino kuciindi mundando nouyabuya. Oh, nciyumu loko okuno mu Jeffersonville! Mwabona? Elyo bbunga mbuli eli boonse kaba kuzungulukide, bantubonse! Jesu

wakabweza muntu ku janza, aku musololela kuzwa mu tauni, ciindi cimwi.

¹⁰¹ Lino langa nzila eyi, mucizi, asyoonto buyo. Syoma kuti Mwami Jesu mpali kuti akugwasye. Yebo uciswa penzi lili ku muzindo, nkabela dokotela waka kulangalanga. Alimwi waka mwaambila kuti waka jisi kuzimba kwansinga ku matako. Nda kubona ayebo kosola kuya ku ng'anda, alimwi uya bweenda asyoonto loko. Ujisi coondamazwi. Oyo ngu MBUBOBU MBWAAMBA I MWAMI. I dokotela wakati weelede kupandulwa. Mbo mbubo ncobeni. Elyo Nda mubona kasaina ako kakkadi kaniini omuya mu ofesi yakwe: Rebekah Baker, 509 Graham Street. Mbo mbubo ncobeni. Omo muofesi yakwe, mu bulembo. Mbo mbubo. Sena ula syoma? [I mucizi wati "Iyi, munene."—Mul.] Nkokuti inga watambula kuponesegwa kwako. Mu i, Zina lya Mwami Jesu Kristo, akube kuti oyu mwanakazi atambule kuponesegwa kwakwe. Amen. Leza aku longeze, omulindu. Koya, kosyoma lino. Koba a lusyomo muli Leza.

Ikuti na wakonzya biyo kutweluka Busyu bwa Mwami!

¹⁰² Lino mulindu uliimvwi awa, kutegwa inga wa . . . Ta ndi kuzi, kuciimo Mbwe zyi. To ndizi, alimwi Nse kuzyi. Sa mbo mbubo? Yaa. Nkokuti uli muntuumwi uuta ndizyi, alimwi Nse bazyi. Alimwi Nse muzyi mulindu umbi. Pele oyu mulindu mweenzu kumaninina, kuciimo Mbwe zyi. Ikuti na mbo mbubo, tambika janza lyako, mulindu. Ciindi cesu citaanzi, kusola kuswaangana mu buumi.

¹⁰³ Ngooyu mwanakazi a mwaalumi. Cifwanikiso cibotu ncobeni ica Musalali Johane 4, oko mwanakazi a Mwaalumi nkoba kaswaangana; nkabela mwanakazi wakali Musamariya, Jesu wakali mu Juda. Elyo ba katalika kwaambaula kuli umwi aumwi, nkabela Jesu waka yubununa maseseke aa moyo wakwe aku muzibya awo penzi lyakwe mpolya kabede. Lino, ikuti na Ngu Jesu nguwenya asunu, Ula konzya kucita mulimo nguonya asunu.

¹⁰⁴ Ikuti na oyu mwanakazi uyo tambika janza lyakwe kuli Leza, kutali kukonka (nkaambo, ta tusyomi mu kukucita), nyamuna buyo janza lyakwe mu kusinizya, a lyangu, kuteeti tatuna bonana kale umwi aumwi, a kuta ziba cintu cijatikizya umwi aumwi. Sa inga watambika janza lyako, omulindu? Mpaawo we. Tana ndibona pe, na Nsena mubona, alimwi walo mweenzu kumaninina. Lino ikuti na kuli . . .

¹⁰⁵ I Busyu bwa Mwami Jesu nkobuli. Ikuti na mwanakazi uli cisidwe, inga Nse muponya. Waa kaponesegwa kale; Kristo waka muponya cindi Na kamufwida. Sena mula syoma obo? Pele ikuti na Wa liimvwi awa lino, kajisi . . . awo Mpe imvwi, alimwi inga Wa cita, kukonzya kumu yubunwida, na kucita cintucimwi cakusumpula lusyomo lwakwe ku kukkwanya! Lino, kwayanda

uliimvwi awa nkambo ka penzi lyamali. Kwayanda uliimvwi awa nkambo ka penzi lyaku ng'anda. Kwayanda uliimvwi awa, kafwa ku kkulenge. Kwayanda uliimvwi awa kajisi TB. Ta ndizi. Nse konzyi kumwaambila.

¹⁰⁶ Elyo lino ikuti uyanda kulibikka mu busena bwangu, boola okuno ubweze busena bwangu, Uli tambwidwe. [Mukwesu Branham wapumuzya—Mul.] Ncamasimpe. Nse zyi, alimwi Nse konzyi kucicita. Pele Leza waku Julu ulizi. Sa mula konzya kumvwisya lino?

¹⁰⁷ Elyo ikuti na Kristo uyo cita cintu nciconya, Bwini butakakilwi, mbuli Mbwa kabuka kuzwa ku bafu, a kutondezya kuti Ngu Jesu nguwenya wa kaambaula ku mwanakazi ku mukalo, mbangaye omuno baamba kuti, “Ndila Mu tambula ndyoonya lino mbuli Musilisi wangu, na kufumbwa Nce bulide?” Tambika janza lyako, koamba kuti, “Ndila Mu tambula ikuti na Uyo cicita eco.”

¹⁰⁸ I mwanakazi a maanza akwe mujulu, tatuna swaangana. I Mwami acipe, ngo mupailo wangu. Lino mulindu uboneka kutantamuka kuzwa kuli ndime; ikuti na bbunga inga lyajata jwi lyangu. Nda bona umwi wiimvwi. Tacili cakwe, kapati. Walo ukombela muntuumwi umbi, nkabela mulindu wacipati. Balo mbanyina, mba kombela. Obo mbwini. Ujisi kulwanwa kuniini kwamoyo, kubbabalika kuniini kwamoyo, mbuli. Ta konzyi koono masiku. Sa taciluleme? Tambika janza lyako na obo mbwini. Elyo oyo mulindu tazwi mu cisi eci. Oyo mulindu uzwa kulaale kuzwida okuno. Oyo mulindu uzwa ku Georgia. Mbo mbubo ncobeni. Elyo uzwa ku Georgia. Elyo uyanda mupailo wa liso lyako, ayebo. Uya boofwaala mu meso ako. Nkabela obo mbwini. Sena ula syoma kuti Leza uyo kubamba kuba kabotu? Ikuti obo mbwini, tambika janza lyako. Ncibotu.

¹⁰⁹ Lino sena mula syoma? Lino amube a lusyomo muli Leza. Kuciindi Ne mukombela, koli kombela kubusena oko, akusyoma Leza. Mpali awa, ulikokonse.

Boola okuno, mucizi.

¹¹⁰ Omufutuli Uulelekedwe, Nda komba kuti, mu Zina Iya Kristo, kuti Uyo pa oyu mwanakazi kuyandisya kwakwe. Akube kuti Nguzu zya Leza Singuzuzyonse zibe ali nguwe, alimwi akube kuti aponesegwe akujana kufumbwa eco ncalomba. Nda lombamba eci cilongezo mu Zina Iya Jesu. Amen.

¹¹¹ Lino koya, kosekelela, akukkomana. Alimwi syoma, mucizi, akuba kabotu. Yaa.

¹¹² Nseli masimpe, pele Ndi syoma kuti Ndili muzi oyu mwanakazi. Ndi syoma kuti uzwa ku tauni Iya Georgia, nkaambo Ndili. . . Sa toli bbululu wa Mukwesu Arganbright? Mubwini, lino abu bunanike, bu liindene. Mula ziba kuti kuli Iwandaano ndyoonya lino. Cindi Nda ambaula kuli nduwe kubusena bumwi; kulandene ndyoonya lino. Wa mvwa

kulimvwa kubotu loko, mbuli. Walo Muuya Uusalala. Toli waano kuli lwako. Uli waano nkambo ka muntuumwi umbi, nkabela oyo musimbi muniini utandila kukomena kwa myaka yone na yosanwe. Ujisi penzi lyansa, alimwi ukkala ku Indiana nkwiili kunyika. Obo mbwini. Eco cintu nco jisi mu janza lyako, citumine kuli nguwe, nkabela uyooba kabotu. Syoma a moyo wako onse lino, akutambula eco nco walomba, mu Zina Iya Kristo.

“Ikuti na wakonzya kusyoma, zintu zyonse zila konzeka!”

¹¹³ Ngooyu mulindu mweenzu kuli ndime. Nse kuzyi, tandina kubona mu buumi bwangu. Tuli beenzu kuli umwi aumwi, myaka minji itantamukene; ndiza minji, kazyalwa mamaile manji atantamukene. Nse kuzyi, tandina kubona. Pele Jesu Kristo uli kuzyi.

¹¹⁴ Cintucimwi cacitika mu bbunga; muntu walibonya muni lyangu. Ngooyu uli kkede, mpoonya awa, kajisi kupasukilwa mu kkombo. Sena ula syoma, munene? [I mukwesu wati, “Iiyi.”—Mul.] Mpawo Kristo akuponye akukubamba kuba kabotu! Amenii.

¹¹⁵ Eyo nje nzila ya kucicita, kosyoma! Wa guma nzi? Nsena mubona mwaalumi; pele wa ponesegwa mpoonya alya. Wa guma Mwami Jesu Oyo uliko ano. Kogwisya oko kutasyoma kuzwa kuli nduwe! Kondi luba mukuba William Branham. Langa kuli Jesu Kristo, Ngo Nguwe uli waano. Nda zundikizya lusyomo lwako, mu Zina Iya Kristo, kuti ulube kujatikizya ndime; a kusyoma kuti oyu ngu Mwami Jesu awa, akubona eco ciyo citika. Ta ndikwe makani awo mpo bede mu buyake.

¹¹⁶ Lino ngooyu mwanakazi muniini. Nsena mubona. Walo mupati kwiinda Ndime. Walo, Ta ndizi na nguni, oko nkwarzwa, taakwe cintu cijatikizya nguwe. Ndili mweenzu umaninide kuli nguwe. Pele Kristo uli muzyi.

¹¹⁷ Ikuti na Ula ndiyubunwida cintu ncoli waano, sa ula citambula a ku cisyoma? [I mucizi waamba, “Masimpe.”—Mul.] Wa jisi kulimvwa kweenzu maminiti masyoonto ainda, cindi Ne kanana cintucimwi, tocita na? Wa kali mucizi wako oyo uli mu kabunga kabasondokede mu Madison, Indiana. Kuli luleme. Nkambo, mwanakazi umbi waliimvwi awa, alimwi yebo waliimvwi alya kolangide nkoonya ku nzila eyi. Alimwi cilengaano, wali kusyoma cindi nosika atala. Mbo mbubo ncobeni. Eco necico cacitika. Alimwi kaambo ncoli waano sunumasiku, nkaambo kakuti ujisi penzi Iya moyo. Wa kazwaa kuba akulwanwa kwamoyo. Mbo mbubo ncobeni. Elyo Nda bona lino, mbuli Mbwe langa mu cilengaano, eco cisi cipumbulika. Yebo uzwa kubusena bumwi okuno ku Indiana kumusanza. Yebo uzwa muni Iya Corydon, nko nkuko nkozwa. Kojokela ku muunzi, uli kabotu. Jesu Kristo wakubamba kuba kabotu. Ngu MBUBOBU MBWAAMBA I MUUYA UUSALALA.

118 Koba a lusyomo, a kusyoma. Uta zumbauzyi. Kosyoma buyo. Sena inga mwa tweluka busyu bulikokonse bwa Mwami Jesu? Mbocili cibotuloko! Ino ndipenzi nzi?

119 Abusena awa mu kkona, Nda bona cilengaano. I dokotela tazyi na ndi kkulenge na ngu TB. Mbo mbubo. Pele ikuti na ula cisyoma, wa ponesege, nekuba. Lusyomo lwako lwa kufutula. Kozumanana.

120 Mpaawo we. I busyu bulikokonse ibwa Leza muumi! Nda zundikizya lusyomo lwako. “Ikuti na ula konzya kusyoma!” Lino, Wa kabuka kuzwa ku bafu. Mpali antoomwe a ndiswe. Ngo Nguwe! Ezyo nzezintu nzyoonya Nzya kacita cindi Na kali waano a nyika. Myaka ili zyuulu zyobilo zyakainda, Walo ucipona, alimwi Ula pona kwa lyonse. Kosyoma buyo, kuba a lusyomo.

121 Nse kuzyi, omulindu. Nsena kubona mu buumi bwangu, taakwe cintu ncezi kujatikizya nduwe. Obo mbwini, embo na? Jesu Kristo uli kuzyi. Ikuti na Leza uyo ndiyubunwida cintu ncoli waano, sa ula Mu syoma, aku ndisyoma kuba musinsimi Wakwe? Ikuti na Uyo cicita eco, uli zyi kuti Cintucimwi candi nanika. Inga waziba kuti Nceeco. Lino ikuti na Nda amba, “Ndiyo bikka maanza angu ali nduwe, ko ponesege,” inga waba anguzu zya kuzumbauzya ceeco. Pele ikuti na Leza wandaambila cintucimwi eco ncozi kuti mbwini, nkokuti ulizyi naa obo mbwini nape. Sa mbo mbubo? [I mucizi waamba, “Mbo mbubo.”—Mul.] Nkunyongana kwa kubukaintu. Wakapandulwa, Nda kubona kozwa aa tafule, a cintucimwi cituba kumeso aako, pele tii kwaka zwidilila. Mbo mbubo. Pele, oyo dyabulosi waka muyuba dokotela, pesi takonzyi kumuyuba Leza. Koya ku muunzi, akuyooba kabotu, omulindu, Jesu Kristo wakuponya akukubamba kuba kabotu.

Ikuti na ulakonzya kusyoma!

122 Ndili mweenzu kuli nduwe, omulindu. Sena ula musyoma Jesu Kristo, Mwana wa Leza, kuti uli waano? Sena ula syoma kuti Uyo kubamba kuba kabotu? Bulwazi bwashuga tacili cintu, kuli Leza kuponya. Sena ula syoma kuti Uyo kubamba kuba kabotu? Nkokuti koya ku muunzi akutambula kuponesege kwako, mu Zina lya Jesu Kristo, Mwana wa Leza. Ameni.

Boola okuno, omulindu. Sena ula syoma?

123 Lino koleka kuyeeya eco kusule oko! Takuli “kukwabana kwamizeezo.” To konzyi kuzwa kuli ncico lino! Andi mutondezye.

124 Nse muzyi oyu mwanakazi. Bikka maanza ako ali angu, omulindu. Ikuti na Leza uyoondi yubunwida penzi lyako mbo libede! Mebo nkelanga nzila *eyi*, uli zyi kuti Nse bali mizeezo yako. Ikuti na Leza ulandi yubunwida penzi lyako mbo libede, sa ula syoma kuti Jesu Kristo Mwana wa Leza, nkabela Ndili mulanda Wakwe? Ikuti na ulacita, tambika janza lyako. Ujisi

penzi lya kubukaintu, penzi lya kubulindu. Mbo mbubo. Wali li jisi; toli jisi lino. Wa ponesegwa. Kozumanana mu lweendo lwako, akusekelela a kukkomana.

¹²⁵ Koboala, munene. Eelyo penzi lyansa yakaindi, nkabela cintucimwi cila kupenzya. Sena ula syoma kuti Leza uyo kubamba kuba kabotu? [I mukwesu waamba, “Iyi.”—Mul.] Kukuponya kuli ndilyo? Nkokuti, mu Zina lya Jesu Kristo, tambula kuponesegwa kwako, akuya buya mu lweendo lwako, kosekelela. Ameni. Leza aku longezye, mukwesu.

Kosyoma!

¹²⁶ Wapona buti, mulindu? Sa inga toyanda kuunka, kuyoolya cakulya cibotu alubo mbuli mbo kali kucita? Wa kali kulibilika konse, embo na? Kwakaletwa a maausa a pepitiki kuba mwida lyako. Koya, kaule hambaga yako akuyo ilya, Jesu Kristo wakubamba kuba kabotu. Kozumanana mu lweendo lwako, kosekelela.

¹²⁷ “Ikuti na mula konzya kusyoma!” Amube a lusyomo muli Leza. Sena mula syoma? I Kristo, muumi ulikokonse mpali awa lino, kuti aponye muntu onse uli omuno.

¹²⁸ Asyoonto buyo. Kusule kwini maningi ku mundando, ukkede mpoonya ansi awa, kukkede mwaalumi mukubusyi. Lusyomo lwako ndupati kwinda mboli kuyeeya, mulombe. Wa jisi penzi lya kumoyo, embo na? Ikuti na mbo mbubo, koimikila ku matende ako. Jesu Kristo wakuponya, mulombe. Uli kabotu. Kozumanana mu lweendo lwako, akuba kabotu.

¹²⁹ Sena mula Mu syoma? Amube a lusyomo muli Leza.

¹³⁰ Ngooyu mwaalumi Ngwe ntazyi. Tuli beenzu kuli umwi aumwi. Ndi syoma kuti oyu mwaalumi wabbizigwa kuseeni oku. Pele Nse kuzyi, tandi jisi muzeezo ujatikizya nduwe. Sa mbo mbubo? Ikuti na Jesu Kristo andi yubunwide eco ncoli waano, sa ula cizumina?

¹³¹ Mbangaye mu bbunga baya ku citambula ndyoonya lino? “Ikuti mula konzya kusyoma!” Amube buyo a lusyomo. Muta zumbauzyi.

¹³² I muntu ujisi penzi lya lukanda. Mbo mbubo. Alimwi Nda bona uya buba. . . Ndi penzi lya prosteti, alyalo. Mbo mbubo. Ikuti na cili boobo, vukauzya janza lyako. Alimwi Nda bona cintucimwi cisiya ciimvwi akati ka nduwe a mwanakazi; mukaintu wako. Ula mu kombela. Ngu sizibi, alimwi uyanda kuti abe Munakristo. Ngu MBUBOBU MBWAAMBA I MWAMI. Mbo mbubo. Koya, kabikke maanza ako ali nguwe, ko mu kombela, kuti Leza uli ku Julu ajule buyandisi bwa zintu ezi kuti nzya kasimpe.

¹³³ Sena ula syoma? Sena ula syoma kuti Leza ula cicita? “Ikuti ulakonzya kusyoma!” Nda zundikizya lusyomo lwako. Kulaale kusule, kufumbwa nkobede, langa a kupona! Koba a lusyomo

muli Leza, kufumbwa mpobede. “Ikuti na ulakonzya kusyoma, zintu zyonse zilakonzeka.” Ikuti na wakonzya kusyoma! Amulangilile. Amulange munzila eyi, Amukombe.

Nywebo mwati, “Ino ulangilila nzi, Mukwesu Branham?”

¹³⁴ Rebekah, jokela munzila eyi aniini, oyandwa. Koima mpoonya awo mpobede. Ngooyo musimbi wangu muniini, oyo buzuba bumwi uya kuba musinsimi mwanakazi, awalo. Oyo mulindu wiimvwi mpoonya alya muni lyako, oyandwa, usamide ngowani iituba, uciswa penzi lya zipulo zyamu mpemo. Tambika janza lyako, na kwiimikila ku matende ako, omulindu. Yebo upaila kuti Leza aite, kundi lekela kukwiita. Sa mbo mbubo? Lekela musimbi wangu muniini abikke maanza ali nduwe awo.

O Leza Uteeli, mu Zina lya Jesu Kristo, Nda tapatila elyo daimona lipenzya mwanakazi oyo. Elyo ali gusigwe, mu Zina lya Kristo. Ameni.

¹³⁵ Oh, lilelekwe Zina lya Mwami! Akube kuti Mwami Jesu ali yubunune Mwini, awalo. Sena mula syoma kuti Mpali ano? Mpawo andi mwaambile, umwi aumwi wanu, ndyoonya lino, ikuti na inga mwa cisyoma, Jesu Kristo ula ponya onse wanu, ndyoonya lino. Ikuti na majwi nga bwini *awa*, nga bwini *alya*. Ikuti na ula cita Nce kwaambila kucita, inga mwa ponesegwa ndyoonya lino. Sena ula cisyoma? Mpawo amubikke maanza anu ali umwi aumwi. Amu bikke buyo maanza anu atala lya umwi aumwi, mukati na aanze. Muta zumbauzyi! Nda mwaa muuya uusinka matwi kauzwa. Ngooyu Mpali, Kristo wakabuka!

¹³⁶ O Leza Utamani a Ulelekedwe, mu Zina lya Mwami Jesu, Nda zundikizya muuya onse uutasalali, mu Zina lya Kristo Mwami, kutegwa uzwa mu busena obu, kuzwa mu bantu aba. Elyo akube kuti Muuya Uusalala mulemu lino ubapatizye muntuonse uli omuno, a lusyomo lupati lwa kusyoma.

¹³⁷ Oh, Saatani, yebo daimona, watu konga kwa ciindi cilamfu. Kristo waka buka, Uli imvwi awa kajisi makki aku lufu a gehena kaalengelela ali Nguwe. I nguzu zya kuponya zyaka bbadelwa. Elyo twa kulailila, ku Zina lya Jesu Kristo, Mwana wa Leza muumi, kuti uzwe mu bantu aba. Kozwa muli mbabo, Saatani, kutegwa bainke akuba kabotu.

¹³⁸ Ikuti na wasyoma amoyo wako onse, kuti Jesu Kristo wakuponya, koimikila ku matende ako, a kuzumina Nguzu ziponya zya Buleza izya Leza Singuzuyonse. Nce ncico! Alumbaizigwe Mwami! Alelekwe Mwami! Mwa cita, umwi aumwi, mwaponesege. Koimikila ku matende ako, aku lumbaizya Leza! Ameni! Lilelekwe Zina lya Mwami! Atu Mu lumbaizye, mbuli mbo tutambika maanza esu aku Mu lumbaizya. Alelekwe Mwana wa Leza muumi! Ameni!



ELYO MESO ABO AKAJUKA MPAWO BAKA MU ZIBA TNG57-0421E

(And Their Eyes Were Opened And They Knew Him)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa aa Pasika Munsondo mangolezya, Mukubwekaangala 21, 1957, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org